




ADDENDA AO CONVENIO TRIANUAL DE COLABORACIÓN ENTRE A SECRETARÍA XERAL PARA O DEPORTE E A FEDERACIÓN GALEGA DE TAEKWONDO PARA A REALIZACIÓN DO PROGRAMA DE PROMOCIÓN E DESENVOLVEMENTO DA SÚA MODALIDADE DEPORTIVA PARA OS ANOS 2014, 2015 E 2016

En Santiago de Compostela, a 15 de outubro de 2015

DUNHA PARTE, o Sr. D. José Ramón Lete Lasa, secretario xeral para o Deporte da Xunta de Galicia, en uso das competencias que lle outorga o Decreto 12/2012, do 4 de xaneiro polo que se establecen os órganos superiores e de dirección dependentes da Presidencia da Xunta de Galicia.

DOUTRA PARTE, o Sr.D. Juan Carlos Eiriz López, presidente da Federación Galega de Taekwondo, en nome e representación da mesma, en exercicio das facultades atribuídas ó efecto polos estatutos federativos.

Ambas partes recoñécense con capacidade para formalizar a presente addenda ao convenio de colaboración subscrito con data 18 de marzo de 2014 que establece para os anos 2014, 2015 e 2016 as bases de colaboración deportiva e económica entre a Secretaría Xeral para o Deporte e a Federación Galega de Taekwondo e a estes efectos,




FEDERACIÓN GALEGA
DE TAEKWONDO

EXPOÑEN

1.- Coa finalidade de atender a promoción e fomento do deporte federado da súa modalidade na Comunidade autónoma galega, a Secretaría Xeral para o Deporte asinou, con data 18 de marzo de 2014, un convenio de colaboración coa Federación Galega de Taekwondo por importe total de douscentos noventa mil cen euros (290.100,00 €) coa seguinte distribución entre anos e por programas:




PROGRAMAS	2014	2015	2016
Gastos Xerais de Funcionamento	18.000,00€	18.000,00€	18.000,00€
Actividade Deportiva e Competitiva Ordinaria	50.000,00€	50.000,00€	50.000,00€
Programa de Tecnificación e Rendemento – Programa Río 2016	23.700,00€	23.700,00€	23.700,00€
Grupo Especial de Alto Rendemento – Programa Río 2016			
Actividade deportiva en Idade Escolar	5.000,00€	5.000,00€	5.000,00€
Outros proxectos de especial relevancia	00,00€	00,00€	00,00€
TOTAL:	96.700,00€	96.700,00€	96.700,00€



A cláusula novena do Convenio de Colaboración prevé a creación dunha comisión integrada por dous representantes de cada unha das partes asinantes do convenio (Secretaría Xeral para o Deporte e Federación Galega de Taekwondo) coa finalidade de efectuar un seguimento do grao de execución dos programas previstos no convenio e a solución de controversias que a súa interpretación poida motivar.

Esta comisión constitúese con data 19 de febreiro de 2015 e tal e como consta na acta asinada por Dna. Laura María Mosquera Escudero, subdirectora xeral de Plans e Programas e D. Sebastián dela Díaz, xefe de servizo de Deporte Escolar, en representación da Xunta de Galicia e D. Juan Carlos Eiriz López, presidente e Dna. Noelia Perez Estévez directora técnica, en representación da Federación Galega de Taekwondo, quedou informada de que por motivos de cambios nos eventos deportivos a organizar por parte da Federación Galega de Taekwondo durante o ano 2015 e 2016 así





como polo incremento da programación deportiva necesaria para os deportistas do Programa Río 2016, a Secretaría Xeral para o Deporte vese obrigada a facer unha modificación do importe do convenio que supón un aumento de 6.000 € sobre o importe orixinalmente asinado.


Sen prexuízo do anteriormente exposto, a Secretaría xeral para o Deporte, establece a necesidade de incorporar unhas modificacións no texto do convenio sen que isto altere o obxecto do convenio

A tal efecto, as partes subscriben a presente addenda que se suxeitará as seguintes

CLÁUSULAS

Primeira.- Acórdase reestruturar o cadro de financiamento que figura no convenio como anexo I co seguinte detalle:

PROGRAMAS	2015	2016
Gastos Xerais de Funcionamento	18.000,00€	18.000,00€
Actividade Deportiva e Competitiva Ordinaria	50.000,00€	50.000,00€
Programa de Tecnificación e Rendemento (incluída a modalidade paralímpica: Alejandro Vidal e Santiago Malvar)	22.000 €	22.000 €
Grupo Especial de Alto Rendemento - Programa Río 2016 Lúa María Piñeiro Devesa	1.700 €	1.700 €
Actividade deportiva en Idade Escolar	5.000,00€	5.000,00€
Outros proxectos de especial relevancia Open de España (Combate, Técnica, exhibición y parataekwondo)- Pontevedra 10-12 de abril 2015	6.000 €	0 €
TOTAL:	102.700,00€	96.700,00€



[Handwritten signature]

Segunda.- Incorpóranse na cláusula número catro do convenio as seguintes obrigas da Federación:

4.3. Con anterioridade ao primeiro dos pagos da presente subvención, a Federación dará cumprimento ao establecido na Lei 19/2013, de 9 de decembro, de transparencia, acceso á información pública e bo goberno, a través da inclusión da información na web federativa, no caso de que esta federación deportiva estea suxeita ao establecido no artículo 3 b) da devandita lei, recibindo durante o período dun ano axudas ou subvencións públicas nunha contía superior a 100.000 euros o cando menos o 40% do total dos seus ingresos anuais teñan carácter de axuda ou subvención pública sempre que alcancen como mínimo a cantidade de 5.000 euros (Anexo VI).

4.4. Deberán velar pola igualdade efectiva entre mulleres e homes así como cumprir o establecido na lei 197/2007 do 11 de xullo contra a violencia, o racismo, a xenofobia e a intolerancia no deporte.

4.5. Deberán colaborar, fomentar y facilitar a participación no deporte das persoas con algunha discapacidade, tal e como se establece no artigo 51 da lei 3/2012 do Deporte de Galicia.

Terceira.- Incorpórase na cláusula quinta do convenio o seguinte apartado:

5.1 c) Tendo en conta a modificación existente no importe total da subvención do ano 2015, o axuste da contía a percibir por parte da federación neste ano farase no segundo dos pagos, de forma que se aboará a diferenza entre o cobrado no primeiro anticipo e a nova contía total da subvención que figura no novo Anexo I para o ano 2015.

Cuarta.- Incorpóranse na cláusula sexta do convenio, xustificación da subvención, a seguintes alínea:

6.6. No caso de facturas que superen o importe de 9.000€, deberán achegarse al menos tres orzamentos de tres empresas diferentes e a xustificación da empresa elixida. Os orzamentos deberán solicitarse, e estar datados, con fecha anterior á contratación pola federación.

Quinta.- Incorpóranse na cláusula sétima do convenio, gastos subvencionables, as seguintes modificacións:

Apartado c).: O programa de “Tecnificación e Rendemento – Programa Rio 2016”, pasa a denominarse programa de “Tecnificación e Rendemento”, por estar Rio 2016 incorporado noutro programa.




Apartado d).: No programa "Grupo especial de alto rendimiento – Programa Rio 2016", inclúense como gastos subvencionables os detallados a continuación:

Os gastos xustificadas neste programa farán referencia ao grupo de deportistas vinculados o grupo especial alto rendimiento Programa Rio 2016, comprendéndose os seguintes gastos:

- a. Personal técnico deportivo (salarios, IRPF, Seguridade Social); Director técnico, adestradores, e outros profesionais de apoio que axuden á mellora do rendimento deportivo (fisioterapeuta, psicólogo, masaxista, nutricionista, etc).
- b. Gastos de aloxamento e manutención dos deportistas incluídos no programa: aluguer, mantemento, consumos auga, electricidade e gas.
- c. Material deportivo (non inventariable) e roupa deportiva do grupo de deportistas incluídos no programa.
- d. Gastos de desprazamento e manutención das concentracións, adestramentos e competicións.
- e. Gastos de combustible derivados dos desprazamentos relacionados coa práctica deportiva.

Sexta.- Incorpóranse na cláusula oitava do convenio, gastos non subvencionables, as seguintes alíneas :



- g) Os premios en metálico ou obsequios a deportistas.
- h) As axudas económicas a deportistas. Poderanse excepcionar aquelas autorizadas por esta Secretaría Xeral previa solicitude e entrega por parte da federación do obxecto da axuda así como dos criterios e baremos aplicables para a súa concesión. Estas axudas deberán ser de igual contía para homes que para mulleres nos mesmos niveis deportivos.
- i) As axudas económicas a entidades. Poderanse excepcionar aquelas autorizadas por esta Secretaría Xeral previa solicitude e entrega por parte da federación do obxecto da axuda así como dos criterios e baremos aplicables para a súa concesión.



Séptima.- Incorporáranse o anexo VI coa certificación de cumprimento coa Lei 19/2013 de 9 de decembro, de transparencia, acceso á información pública e bo goberno da federación.

ANEXO VI

Don/Dona Secretario/a da Federación Galega de <u>Juan Carlos Calnzos Gómez</u>	
CERTIFICA: Que segundo o establecido na Lei 19/2013, de 9 de decembro, de transparencia, acceso á información pública e bo goberno, a través da inclusión da información na web federativa, esta federación deportiva;	
SI	<input checked="" type="checkbox"/> NO <input type="checkbox"/>
está suxeita ao establecido no artículo 3 b) da devandita lei,	
<input checked="" type="checkbox"/>	recibindo durante o período do ano 2014, axudas ou subvencións públicas nunha contía superior a 100.000 euros
<input type="checkbox"/>	ou cando menos o 40% do total dos seus ingresos anuais teñan carácter de axuda ou subvención pública sempre que alcancen como mínimo a cantidade de 5.000 euros.
E para que conste, expido o presente certificado,	
En	<u>A CORUÑA</u> a <u>20</u> de <u>OUTUBRO</u> de 2015
O Secretario	Visto e prace, O Presidente


En proba de canto antecede, as partes que interveñen asinan a presente addenda no lugar e data reseñado no encabezamento.

O secretario xeral para o Deporte



José Ramón Lete Lasa

O presidente da Federación Galega de Taekwondo



Juan Carlos Eiriz López